

№1

ხელშეკრულება №678

გაზეთის „ახალი განათლება“ ხელმოწერის შესახებ

თბილისი

4.01.2014წ

1. ხელშეკრულების დამდები მხარეები

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვის განხორციელების წესის შესახებ“ დებულების (მე-3 მუხლის I-ლი პუნქტის „ს“ ქვეპუნქტი) შესაბამისად.

ერთი მხრივ შ.პ.ს „ახალი განათლება“ მისი დირექტორის მარიკა ჩიქოვანის სახით (შემდგომში „მიმწოდებელი“) და მეორე მხრივ, ჭიათურის მუნიციპალიტეტის ტყემლოვანის საჯარო სკოლა მისი დირექტორის რუსთაველი შინაძე სახით (შემდგომში „შემსყიდველი“) დადეს „ხელშეკრულება სახელმწიფო შესყიდვების შესახებ“ შემდეგზე:

2. ხელშეკრულების საგანი

2.1 პერიოდული გამოცემის გაზეთის (cpv 22200000) „ახალი განათლება“ 2014 წლის ხელმოწერის შესყიდვა (შემდგომში – „შესყიდვის ობიექტი“).

3. ხელშეკრულების ღირებულება და ანგარიშსწორების პირობები

3.1 ხელშეკრულების ჯამური ღირებულება შეადგენს 60(სამოცი) ლარს.

3.2 ხელშეკრულების ჯამური ღირებულება მოიცავს მიმწოდებლის მიერ გაწეულ ყველა ხარჯს და მოქმედი კანონმდებლობით გათვალისწინებულ ყველა გადასახადს.

4. მხარეთა ვალდებულებები

4.1 „მიმწოდებელი“ ვალდებულია, დროულად გამოსცეს გაზეთი „ახალი განათლება“ და ეტაპობრივად (ყოველკვირეულად) მიაწოდოს „შემსყიდველს“ სააგენტოს საშუალებით, იმ პერიოდში, როდესაც მუშაობს საგანმანათლებლო დაწესებულებები. 2014 წლის 4 იანვრიდან 2014 წლის 31 დეკემბრამდე, სულ, წლის განმავლობაში – 40 ნომერი.

4.2 „მიმწოდებელი“ იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში. გაზეთის ყველა ნომერი მიეწოდება ელექტრონული ზედნადების თანხლებით.

4.3 „შემსყიდველი“ ვალდებულია, ხელშეკრულების დადებიდან ორი კვირის ვადაში, ჩარიცხოს საბანკო ანგარიშზე გაზეთის ხელმოწერის ღირებულება.

4.4 ხელშეკრულებით გათვალისწინებული ვალდებულებების შეუსრულებლობისათვის დამრღვევ მხარეს ეკისრება პირგასამტეხლოს გადახდა შეუსრულებელი ვალდებულების ღირებულების 10%-ის ოდენობით.

5. ანგარიშსწორება

5.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

6. ხელშეკრულებაში ცვლილებების შეტანა

6.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

დირექტორი ბ. ზინიძე